

No. 165. 1429. 22. Febr.

Graf Heinrich von Schwarzburg beurkundet, dass vor ihm zu Weissenfels zwischen den in Streit befungenen Partien eine gerichtliche Verhandlung stattgefunden habe, dass dieselbe aber ohne Erfolg geblieben sei, da Heinrich Kudorf das Original einer in Abschrift beigebrachten Urkunde nicht zur Stelle habe schaffen können. Transsumt vom 19. Oct. 1430.

In gotis namen amen. Nach Cristi geborte in dem vierezenhundirt vnde dryssigistem iare in der achten indiction an deme nunczenden tage des monden der genant ist October zcu vesper eziit adir do by, in dem driczenden iare dez babistumß vnsir allirheiligisten in godt vatirs vnde hern hern Mertinß des funfften babistes vnde des allirdurchluchtigisten fursten vnde hern hern Sigimundes riche des Vngerschen in dem drivndevierezigistem, dez Romischen in deme zewenczigisten vnde des Behimischen in dem ezenden iaren, vor dem huße der wonunge des vorsichtigen Heinrichs Steyns bürger zcu Lipezk Merseborger bischtumß, inkeginwertigkeit des vorsichtigen mannes Nickel Jhesewicz zcu der zciid richters doselbinß zcu Lipezk vnde myn offinbarschreibers hirnoch genant vnde ouch der vndirgeschribin geczugen ezeigete vnde vorbrachte der ersame Hanß Wochow ieczund vorwesir burgermeisters amnecht von synen, des rates vnde der ganczen gemeyne wegen der stad Lipezk eynen vorsigilten brieffe mit funff sigiln geschrebin vff pergament, desselbin brieffes inhaltunge vnde lute vnde ouch der sigile beschreibung hirnoch volgen, vnde bath den genannten richter, das er synen willen vnde macht von gerichtswegen wolde dorezu geben, das derselbe brieff wurde vmbe geschriben vnde bracht in eyne offinbarschrift adir instrumente vnde mir beuelen als eynem offinbarinscriber, das ich denselbin brieff zcu mir neme, mitflisse beschn vnde getruwelich vmbeschriben vnde in eyne offinbarschrift brengen vnde daruß eyn instrumente mit vndirschribunge mynes namen vnde vorezeichunge mynes gewonlichen ezeichenß machen solde, also das dieselbe offinbarschrift eynen ganczen glouben mochte machen vor gerichte vnde andirswow, wo dez not wurde syen, desselbin glich bath ouch der obgenante Hans Wochow von wegin syner des rates vnde der stad Lipezk vorgnante vnde hieschen mich dorezu also eynen offinbarinscribern. Durch sulche entpfelunge vnde heischunge wegen habe ich den egenanten brieff zcu mir genomen, den obirlesen vnde wol beschin vnde habe an der schrift, an den sigiln vnde an andern dingen die gancz vnuorseret funden vnde den vmbegeschriben vnde in diesse geinwertige offinbarschrift bracht vnde dieselbe offinbar instrument vnde schrift daruß gemacht, das ich ouch mit demselbin vorsigelten brieffe mit flisse obirlesin, obirhort vnde funden habe in allen punckten vnde stucken obireyn tragen. Desselbin brieffes luth vnde inhaltunge also hir vorberurt ist mit der sigil beschreibung hirnoch von worte zcu worte volgen vnde lutet also:

Wir graue Heinrich von Swarczburg, herre zcu Arnstedte vnde Sundirshusen bekenen vnde thun das köntlichin vnde offinbar mit diessem vnsirm offinbrieffe vor allen lüthen, die yn sehyn adir horn lesyn, das wir den gestrengen vnde ersamen Gunther